

SCRIPT OF MORNING GOJRI NEWS BULLETIN 20JUNE 1015 HRS

مارننگ گو جری نیوز بلیٹن مورخہ 20 جون 2025

یوہ آکا شوانی جموں بے عبدالرحمان تیں خبر سَنو۔

CM REVIEW MEET

وزیر اعلیٰ عمر عبداللہ نے کل سول سیکرٹریٹ جموں مانہہ ایک اعلیٰ سطحی میٹنگ غی صدارت کی تانجے جموں خطہ مانہہ موجودہ گرمیاں غا موسم غے دوران انتظامیہ غی طرفوں ضروری خدمات تے رسدات غی فراہمی غو جائیزو لیو جاسکے میٹنگ غے دوران صوبائی کمشنر جموں رامیش کمار نے وزیر اعلیٰ نانہہ بکھ بکھ محکماں غی کارکردگی تے گرمیاں غی تیاریاں واسطے اُن غا عملی منصوباں بارے جانکاری دتی کُج نواں بسیا علاقان مانہہ پانی غی قلت غا مسائل غو نوٹس لیتا واں وزیر اعلیٰ نے جموں میونسپل کارپوریشن تے جل شکتی مہکمہ نانہہ ہدایت دتی جے وے فوری طور ور شہریاں نانہہ پانی غا ٹینکرز غے زریعے پانی فراہم کریں وزیر اعلیٰ نے آئندہ محرم تے شری امرناتھ جی یاترہ واسطے کیا گیا وسیع تر انتظامات غو وی جائیزو لیو۔

CM TOURISM

وزیر اعلیٰ عمر عبداللہ نے کہیو بے جے ہم جموں خطہ نانہہ سیاحت خاص طور ور مزہبی سیاحت غو مرکز بناتو چاہواں جس سنگ مقامی برادریاں غی زندگیاں مانہہ بہتری آوے گی وزیر اعلیٰ نے یاه گل سانہہ ضلع غا پر منڈل علاقہ مانہہ گورنمنٹ ڈگری کالج غا نواں تعمیر شدہ کمپلیکس غا افتتاح غا موقع ور کہی اپنا خطاب مانہہ وزیر اعلیٰ نے اس موقع نانہہ ایک خوش آئندہ تے اہم لمحو قرار دتو جہیزو اس خطہ مانہہ اعلیٰ تعلیم غا میدان مانہہ ایک اہم سنگ میل بے طلبا غی طرفوں پیش کیا گیا مطالبات ور رد عمل دیتا واں وزیر اعلیٰ نے مناسب اقدامات غی یقین دہانی کروانی خاص طور ور پیشہ وارانہ تے اعلیٰ تعلیمی کورسز غا حوالہ سنگ اُنہاں نے معاشرہ غی ترقی مانہہ تعلیم غی اہمیت ور زور دتو۔

SECY MSDE MEETING

وزارت ہنر ترقیات وکارو باریت یعنی ایم ایس ڈی ای غ امرکزی سیکرٹری اتل کمار تیواری نے کل سول سیکرٹریٹ سرینگر مانہہ ایک اعلیٰ سطحی میٹنگ غی صدارت کی تانجے جموں کشمیر مانہہ جاری بکھ بکھ منصوباں جس طرح کوشل ویکاس یوجنا سنکلیپ سٹرائینو تے دوجا اقدامات غی پیش رفت غو جائیزو لیو جاسکے میٹنگ سنگ خطاب کرتا واں سیکرٹری موصوف نے مقامی معاشی امکانات تے اُبھرتا وا صنعتی رجحانات غے مطابق تربیتی پروگراماں نانہہ ہم آہنگ کرن غی ضرورت ور زور دتو۔ اُنہاں نے افسراں نانہہ قلیل مدتی تربیتی پروگرام منعقد کران غی ہدایت دتی سیکرٹری موصوف نے اعلیٰ تعلیم غا شعبہ غا نمائینداں نانہہ وزارت غی بکھ بکھ سکیمان تیں فائدو چان غی ترغیب دتی۔

CS SECY MSDE

چیف سیکرٹری اتل ڈلو نے کل وزارت ہنر مندی ترقی وکارو باریت غا مرکزی سیکرٹری اتول کمار تیواری سنگ ملاقات کی تانجے مرکزی زیر انتظام علاقہ مانہہ ہنر مندی غا فروغ

تے کاروباریت واسطے حکمت عملیاں ور تبادلہ خیال کیا جاسکے نتیجہ خیز گفتگو غو محمو نوین مرکزی سکیمیں تیں فائدو چانو تے موجود ہ پروگراماں نانہ مضبوط بنانو تھو تانجے جموں کشمیر مانہ ہنر مندی غو ایک مضبوط نظام تشکیل دتو جاسکے مرکزی سیکرٹری نے نوین شروع کی گئی مرکزی س امدادی سکیمیں غو تفصیلی جائیزو پیش کیو جس گو مقصد ملک بھر غا صنعتی تربیتی اداراں نانہ جدید خطوط ور استوار کرنو ہے۔

YOGA DAY COUNTRY

وزارت ثقافت یوگا غا 11 ویں بینالعقوامی تہاڑا غا موقع ور ملک بھر مانہ 100 سیاحتی مقامات تے 50 مزید ثقافتی مقامات ور یوگا اجلاس گو انعقاد کرے گی پلک واسطے طے شدہ تقریبات وشاکھا پٹنم مانہ آیوش غی وزارت غی طرف تیں منعقد کی جان آلی اہم تقریبات غی تکمیل کریں گی جس مانہ وزیر اعظم نریندر مودی شرکت کریں غا۔

DC KISHTWAR YOGA

ڈپٹی کمشنر کشتواڑ پنکج شرما نے کشتواڑ قصبہ غ امشہور چوگان مانہ منایا جان آلی آئندہ 11 ویں بینالعقوامی یوگا تہاڑا غی تیاریاں غا بارا مانہ تفصیلی بصیرت کو اشتراک کیو ایک پریس کانفرنس تیں خطاب کرتا واں ڈی سی نیڈسیو کہ تمام سرکاری محکماں نے یوگا غا حقیقی جوہر نانہ اُجاگر کرن واسطے ایک بامعنی تے بڑھ اپیمانہ ور تقریب منعقد کرن واسطے ہتھ ملایو ہے۔ انہاں نے کشتواڑ گا تمام باشنداں نانہ جشن مانہ شرکت واسطے پرتپاک دعوت دتی جہیڑو سویرے 6 بجے شروع وے گو۔

TOURISM STAKEHOLDER CONSULTATION

ایک جامع تے عملی سیاحتی پالیسی تیار کرن واسطے حکومت جموں کشمیر غی جاری کوششاں غا حصہ غا طور ور ڈائریکٹوریٹ آف ٹوریزم جموں نے گزشتہ روز ایک شراکتدار مشاورتی مانہ سیاحت غا معوطہ تیں مختلف آوازاں نانہ چایو گیو تانجے مستقبل غا ہوالہ تیں تے نفاذ ور مبنی پالیسی غی تشکیل مانہ تعاون کیو جاسکے اجلاس غی صدارت جموں گا سیاحت غا ڈائریکٹر وکاس گپتا نے کی تے اس مانہ جانیٹ ڈائریکٹر ٹوریزم تے ڈپٹی ڈائریکٹر پبلسٹی سمیت اہم محکمہ جاتی افسراں نے شرکت کی اجلاس مانہ ممتاز صنعتی انجمنان غا نمائینداں غی فعال شرکت دیکھی گئی۔

SHOOTING RANGE KISHTWAR

ایک تاریخی پیش رفت مانہ گزشتہ روز لڑکاں غا گورنمنٹ ہائرین سکینڈری سکول کشتواڑ مانہ ایک انڈور شوٹنگ رینج غو باضابطہ طور ور ممبر قانون ساز اسمبلی شگون پریہار نے افتتاح کیو۔ یاہ اس موقع ور مہمان خصوصی تھیں اس قدم غو مقصد نوجوان امیدواران نانہ عالمی معیار غی تربیت تے ڈھانچو فراہم کرنو ہے تے خطہ مانہ رائفل شوٹینگ جیسا کھیڈاں نانہ فروغ دینو ہے۔
